

Mangsa, pelajar kongsi dewan

PASIR PUTEH: Mangsa banjir yang ditempatkan di pusat pemindahan sementara di dua buah sekolah di daerah ini terpaksa berkongsi tempat dengan lebih 800 pelajar ketika sesi pertama persekolahan di negeri ini bermula hari ini.

Pengurusan sekolah itu, iaitu Sekolah Menengah (SM) Kamil dan Sekolah Kebangsaan (SK) Bukit Awang terpaksa mengorbankan dewan sekolah bagi memberi kemudahan kepada mangsa banjir.

Pengarah Jabatan Pelajaran Kelantan, Hussain Awang berkata, pihaknya tidak mempunyai masalah berhubung penggunaan dewan bagi mangsa banjir, malah meminta pengurusan sekolah memberi kerjasama sepenuhnya.